

A. N.
DISSERTATIONIS POLITICÆ,
De

IMPERIIS LIMITATIS

S P E C I M E N ,

Qvod

Prævio ampliss. Facultatis Philosoph. consensu,

Sub PRÆSIDIO

Viri Cl.

D_N. ALGOTHI A.
SCARIN

Hist. & Philos civilis Profess. Ordin.

In publicam lucem venire constituit

Stipendiarius Regius,

GUSTAVUS ORRÆUS And. Fil.

Tavastensis

Ad diem XII. Dec. Anni MDCCXLVII.

ABO^E, Exc. JOH, KÆMPE, R. Ac. Typ.

J. W. Mag. Doc. Prog.

VIRO plurimum reverendo atque praeclarissimo;
Dn. GUSTAVO TÖNNERO,
PASTORI ecclesiae Orimattilensis vigilansissimo, avunculo pia mente colendo.

VIRO plurimum reverendo
Dn. MAGNO
PASTORI animarum in Taipalsaari meritissimo,

VOBIS, qui nullo non beneficiorum genere, artium libera-
gere voluit felicior sors, adscire gloriae ducitis, in
lescunqve obferre iustineo pagellas. Dignemini obsecro! illas VE-
VOSmet pietatis meae totidem pignora; tanto magis, quanto
lentiae omnem debeat. Respicite benigne, precor, tirocinia ju-
posterum favete mibi, qui

Pl. Rev. & Præclariss.

Cultor huius
GUST.

Praeclarissimo atque eruditissimo VIRO,

Dn. Mag ANDREÆ KRAFTMAN,

Hist. & Moral. *LECTORI* Gymnasii, qvod Borgoæ est
vigilantissimo, Consistorii ibidem *ADSESSORI* æqvissi-
mo, uti pridem informatori fidelissimo, ita Promoto-
ris & Patrui loco, multis nominibus hodie suspiciendo.

atque praeclarissimo,

ORRAEO,

Patrui loco jugiter venerando.

lum studiosos, qvos, sanguinis vinculo VOBISmet jun-
vicem redhostimenti eorum, quæ mibi commoda stis, has quæ e-
STRU excipere hospitio. Sunt enim grati animi singularis in-
lucem, si quæ olim clarescere possint spes meae Vestrae benevo-
lentutis non satis apte elaborata, & uti bactenus, ita in
ad cineres usque permansurus sum


Nominum Vestrorum

millimus

ORRAEUS.

SYNOPSIS.

- §. I. Idea qualiscunque originis & indolis imperii traditur.
- §. II. Notio limitati evolvitur adqve imperia applicatur.
- §. III. Discriben imperii personalis & realis exponuntur.
- §. IV. Variæ imperii personalis species recententur & ad argumenti tractationem via panditut.
- §. V. Doctrinæ circa originem majestatis D. Doctor excutiuntur.
- §. VI. Primum limitandi modum per L. L. fundamentales, esse ait.
- §. VII. Inde de capitulationibus imperiorum agitur.
- §. VIII. De limitatione, qvæ per jus gentium crebro fieri solet, agit.
- §. IX. Ex fœderibus oriri solere restrictiones imperiorum, docet,
- §. X. Politiam ecclesiasticam imperia limitantem sifit.



Gratia adspirante Omnipotentis!

S. I.

Cunctis rebus suas concedens existencias, finesque præstituens summus Arbitr^e, prout ceteris omnibus, sapientissimo consilio, eas adjunxit vires, quas finibus istis obtinendis convenientes & sufficientes vidi: ita quoque hominibus, quos ad gloriæ suæ manifestationem destinavit, tantas contulit dotes, quantis comprehendendis & sustinendis par esse potuit finita illius essentia: Instruxit enim eos cognoscendi, id est, solerter rimandi & prudenter agendi munere eximio; quo non negligentius in usum vocato, sufficientem rerum sibi adqvire-re cognitionem, verum a falso, bonumque a malo non longe dignoscere possent. Tribuit voluntatem parili ratione liberam, qua, pro arbitrio, id est, motivorum ab intellectu suppeditatorum indole atque ratione, sine quadam alia in contrarium cogente causa, ad agendum se determinare, h. e. secundum ideas suas liberrime agere queant. Harum adeo egregiarum perfectionum intuitu, (ut, quæ corpori non imminuta neque detorta manu contulit, præteream,) quis est qui non videat, in statu naturali, puta creationis, nihil defuisse homini, quo omnigenam felici-

A

ta-

tatem sibi parare potuisset? Ad statum vero præsentem advertentes animum, tantum abesse deprehendimus, ut harum facultatum ministerio rite suas quisque actiones instituat, ut in contrarium devoluti, miseriae promotores dexterimi ipsi nobis potius esse soleamus mortales. Intellectum ignorantia, dubitatione, errore, variisque præjudiciis laborare deprehendimus; ita ut sana de rebus judicia non semper illeferat. Voluntatem non nisi moleste obtemperare intellectus, si quæ fuerint, sanis judiciis, maxima vero cupiditate in voluptates mere sensuales ferri, iisdem delectari, & quantum in se efficere, ut affectuum dominio subacta mens fines justi transcendat, eoque in extremum se detrudat exitum, nisi hōpes domi, ignorare nemo potest. Qvibus miseriis quum majorem in modum expositi singuli sint mortales, præter legem naturalem, quæ omnem prefectionem possibilem quærendam inculcat, studium semet conservandi, omni in communi commendatum animanti, exigebat, ut in societas coiremus homines; quo mutuis consiliis ignorantiam, & auxiliis indigentiam nostram subleveremus, & mala quævis imminentia, viribus in medium collatis, repelleremus. In societatibus vero, quum publica commoda privatis habenda sint potiora, idemque bonum, puta salus universorum, si obtinebitur, libertas singulorum arctis omnino limiribus circumscribenda veniat, ne, philautia svadente, in fraudem civitatis, a pacto illa resiliat: inde supremum & sublimme aliquod communi consensu constitui necessum erat, quod dispensaret jura civitatis, neque solum leges ferret, secundum quas actiones suas dirigerent singuli socii, sed & poenas lanciret, qvibus obnoxii essent,

3

essent, qui pacem violarent; aliisque non ex merito
insultandi potestatem sioi vindicarent. Horum juri-
um exercitium nobis in praesenti *imperii* nomine
venit.

§. II.

Explícata pácis notione & origine *imperii*, recepta
per omnes reipublicæ literariæ partes conservudo, nec non ipsa perspicuitatis habenda ratio postu-
lat, ut pari modo ideam vocis *limitati* evolvamus; ea
quæ alteram rubri partem constituit. Dicitur autem
in metaphysicis *Limes*, defectus ulterioris realitatis cu-
jusdam, & *limitatum*, in quo limes concipi potest; *li-
mitans* vero, quod rationem defectus in se continet.
Quæ notiones, si applicentur enti in abstracto considerato, propter finitas aliarum rerum, puta creatarum,
essentialias, nil omnino, ubi a *DEO* ceu infinito
& independente discesserimus, dari illimitatum, oppi-
do patet, & consequenter neque aliquod ejusmodi ge-
nus imperii. Attamen, quum imperia, tantum non o-
mnia, supra sortem communem constituta sint, ut §.
præced. indicavimus, & in illis non pauca ad socie-
tatis commodum ita administrentur, ut quæ adminis-
trans egerit, illa, alterius humanæ voluntatis arbitrio,
irrita neutiquam redi possint, vocis notione a rigo-
re metaphysico non nihil deflectente, omnem in il-
lum modum comparatam potestatem, *autapxias*, seu
illimitatam non incommode appellari posse, quisque vi-
det; in relatione puta ad cetera entia, quæ in ci-
vili sphæra non ad eundem gradum altitudinis sunt
elevata, quorum plus minusve Jura sunt restricta,
ad legum præscriptum exigenda, vel quacunque alia

imminuta potestate exēcenda. Hujus posterioris generis atque modi imperia, respectu priorum, quatenus in illis defectus alicujus realitatis in se possibilis cernitur, quemadmodum priora illimitata, ita vice versa hæc ipsa *limitata* dici possunt. In qvorum consideratione, dum ingenii vires periclitari animus est, humeros materiæ arduæ impares lubenter agnoscentes, candidi *LECTORIS* benignum expetimus & expectamus judicium.

§ III.

Quamvis imperii in una eademque republica ~~xvij~~, nonnisi unicum, unica majestas esse possit; eundem enim jurum in una eademque societate, divitum & independens exercitium statuere velle, contradictorium esset fere, certe imbecilla & civitatis fini e diametro repugnans assertio: quum tamen eadem res, in se licet unica, diversam, qvoad concipiendi modum, possit subire considerationem; ut in aprico res ipsa ponatur, non displicebit imperii genus omne dupliciter considerare, vel *in concreto*, prout toti reipublicæ inesse concipitur, vel *abstractive*, quatenus in unam vel plures personas dispensatio jurum devoluta est, & qvo charactere, seu attributo, a reliquis civitatibus diversam personam moralem, diversam rempublicam, cœtus & congregations diversæ componere sunt censenda. Ulteriusque imperii exempla, quum passim prostent in historiis, diversosq; limitandi modos eadem admittere soleant, qvo expeditius res nostras absolvamus, de utroque genere distinete agere, & quidem sub notione *realis* priorem comprehendere, alterum genus autem sub *personalis* imperii nomine representare

3

tare destinavimus; idque tanto cum minori infirmiorum periculo, quanto, sensu a monarchomachis disjunctione, notionem utramque adhibemus. Neque enim ad furias populares, earumque propugnationem, aut juris naturalis & publici cum privato, perversam applicationem spectare institutum nostrum, per se quisque videt.

§. IV.

Imperii *personalis*, pro numero subjectorum, quibus iurium majestaticorum cura, ex pacto, commissa est, variae sunt species: Vel enim summa imperii in unum derivata est, vel in plura eaque primaria reipublicæ membra, collatio facta est, & Aristocratica mox emergit; vel administratur ἀνέγειρα populo ipso, & democratica existit; vel denique divisa sunt jura inter plures, seu potius uno plures æqualiter & inæqualiter, adeo ut aliam partem Princeps, aliam optimates, aliam populus teneant, dum mixta quædam efficitur regiminis forma. Harum omnium formatum limitaciones persequi plus esset operis, quam ut paucis comprehendi possit pagellis. Pro prælenti satis duximus attigisse eos tantum limitandi modos, qui & omnibus imperii speciebus sunt *communes* & maxime solemnes usitatique.

§. V.

Nobismet autem ad præcipuos limitandi modos gradum tentantibus, commodum fese offert quæstio subdificilis in antecessum decidenda: an ulla densur in rerum natura, puta orbis hemisphaerio inferiore boce, imperia non limitata? Quantum hæc coixerit atque vexarit politicos, abunde testatur historia litteraria;

Aliis

Aliis pro Principum, nescio qva crudeli pietate ducti, potestate ita pugnantibus, ut nullam ab imperantibus posse fieri civibus injuriam asserant, omniaque pacta populum inter & Principem, hujus potestatem restrigentia irrita esse contendant; aliis eandem e diametro impugnantibus, & limitibus adeo arctis circumscribentibus, ut jus concedant civibus ob qvævis delicta, etiam privata, Principem in pistrinum detrudendi, &, qvæ securus egerit, pœnarum nullo non genere vindicandi. Ut autem, qvorum a parte stet veritas, patet, fontes in contrarium disceptationis prioris saltē in planum deducere, qvod spero, non ingratum erit.

Hobbesius absurdissimum substernens juris systemati suo principium, non potuit non principiatum, scitum puta decretumqve, æqve paradoxum inde derivare. omne nimurum jus & regnandi & puniendi, a sola potentia irresistible competere primum DEO & secundum illum, fiduciariæ in terris potestati ejus; & per consequens omnem parendi obligationem procedere non aliunde qvam ab imbecillitate subjecti, contendit. Alii diversam ingressi viam ex alio principio, idem qvod volunt, se confidere posse arbitrantur. Hinc namqve, ut principium omne, qvod in philautiam resolvi posse videtur, evertant, *DEUM amore*, ut loquuntur Mystici *desinteressato*, h. e. sine respectu utilitatis cuiusdam propriæ & privatim inde percipiendæ, prosequendum docent, ac proinde ab eminentissima vi & majestatis virtute illius, abstrahendo a perfectionibus moralibus, motiva actionum desumenda esse. seu qvod idem est: propter omnipotentiam omne jus competere DEO in hominem, hominemqve eo solo nomine

7

nomine plene & perfecte **DEO** obligari volunt. In-
de, qvum respiciant Principem illi non aliter, qvam
supremæ potestatis vicarium, cui suam in terris maje-
statem **DEI** communicaverit, valetudinario contenti
eodem cum Hobbesio, qvamvis sub diversis pellibus,
concludunt, nullam ab imperante injuriam civibus fie-
ri posse, qvum secundum eorum hypothesin in utro-
que casu, stet pro ratione sola superioris voluntas.
Qvantum verò his ratiociniis insit roboris etiam
vulgaris intelligentia, melioribus, certe sagacioribus
seculis hīc, facile conprehendere potest. Hobbesio-
um ejusqve, si qvi fuerint, asseclas non moramur,
qvum ejus principium, communī Moralistarum suffra-
gio habeatur pro absurdissimo. De posteriori verò
hypothesi res magis est abstrusa. Ut autem illi etiam
suo qvocunqve modo satisfiat, seqventia notari volu-
mus. Novimus studium sui conservandi esse intime
connexum cum anima hominis rationali; voluntatem
non posse determinari sine motivis, neqve aliiquid
posse appetere eandem, nisi sub ratione boni. Jam,
qvum obedientia **DEO** præstanta non possit concipi,
nisi ut *determinata* voluntas actiones ad arbitrium ejus
dirigendi; omnipotentia vero **DEI**, qvatenus involvit
solam facultatem qvævis ad actum deducendi, non
suppeditare qveat motivum completum, per qvod de-
terminetur voluntas, siqvidem indifferens est & ad bo-
num & ad malum nobis impertiendum; Voluntas au-
tem nil appetat nisi sub ratione boni: remanet recur-
rendum esse omnino ad *bonitatem* ejus summam, bo-
norumqve in nos collatorum vel certo conferendo-
rum repræsentationem; dum fiet, ut non ex longa
mora

mora plenam de sua obligatione convictionem penes se sentiat *conscientia*, & ad confessarium non inficiandum convictionis illius, puta obedientiam jussis non nisi salutaribus illius præstandam, excitetur & determinetur *voluntas*. Frustra itaque illi sunt cum mentali speculatione sua, qui afferunt *DEO* competere jus in hominem propter solam omnipotentiam, *DEUM*-que coli & observari debere amore puro. quum hoc idem sit ac contendere voluntatem posse flecti sine motivis. Ex quibus prono alveo seqvi existimaverimus, licet vel concedamus Principis majestatem immediate a *DEO* pendere, nullatenus tamen defendi posse jus in subditos offibus inhaerens aliquod, quippe quo evertitur justitia naturalis (quam in agendo legem *DEUS* ipse sibi posuit) cuiusque adeo non ad augendam *bono* rem publicam spectant imperii actus, ut ad eandem palam & occulte opprimendam potius comparati esse censeantur. Eiusmodi imperii licentiam & infelicitatem, a *DEO* ordinis & felicitatis auctore summe *bono*, nisi contradictionis principio penitus destructo, neutrivam proficiisci posse, quis non videt? Illimitata igitur Principis in cives auctoritas hoc sensu, quum nil nisi idolatriæ politicae quædam species fit, divinitatis jura homini conferens, quæ non magis alia creationis indoli & fini contraria res esse potest: ex alio principio eodemque propinquo loco posito, nemirum *consensu* civium, Principis potestatem derivare æquum erit, modo, quo indolem & originem majestatis paucis jam ante expressimus; Quo fundamento substructo, mox patet, omnem potestatem imperatoriam, quamvis non semper expressa fit stipulatio

9

latio, (a) præter legem naturalem, hoc juris publi-
ci canone: *REIPUBLICÆ, CUI REGENDÆ ADMOTUS ES,*
COMMODA PROMOVE: semper in. & ubique limitari, qui
limites, natura duce & magistra constituti, prout con-
servationem absolutissimi operis pro fine habent; ita
immerito illi neque dicuntur *naturales*, in distinctio-
nem a *pabiliis*, de quibus jam agemus.

S. VI.

POstquam in antecedentibus evictum ivimus limita-
tam, h. e. sub graviore regno esse omnem in ter-
ris potestatem, consequens est, ut ad modos, quibus vel
maxime limitari solent imperia, pedem promoveamus.
Scilicet, limitantur imperia personalia primum per
leges fundamentales, quæ definiri vulgo solent per con-
nexione rerum necessiarium ad contextum publicum faci-
entium. eas, quas Principem absolutissimè (b) regnan-
tem obligare tanto certius est, quanto ad servandum

B

omne

(a) Ubi de forma regni Danici bodiernâ Holbergius
differt, non aliam inter regem coronandum civesque stipula-
tione intercedere, ait, quam ut potestatem ipsi tribuant rem
publicam administrandi, ratione, qua illimitatae potestaties
regi Christiano conveniens fuerit, tijusque non ingratam efficere
posse memoriam. honom, inquit historicus, dr all macht gif-
wen, som kan sejas en fulmyndig och enwâlds Christen
Konung til det bâsta. En temperamentum absoluti imperii
prudens, sanctum & verecundum!

(b) Absolutissimum imperium esse dicit vir polémikatos
Wildius nostras, quando gens universa in ipsum imperan-
tem contulit ius suum de modis obtainendae publ. salutis di-
scendi, ut solum pro sua statuas prudentia, quid quoque in

omne vinculum, quo respublica cohæret, penitus & omnino obligatur. Quod de lege illa primum, cuiusmodo mentio facta fuit, quam omnibus in universum rebus publicis, in vicem fundamenti lex ipsa naturae subterni voluit, & mox altera, puta fundamentali in specie sic dicta, quæ nostræ in præsentia considerationis est, & in quamcunque speciem modificata fuerit, ad supremam illam, ceu scopum collineare oportet. Illius vero speciei passim & ubique introducendæ hanc rationem habet. Qum cives, ceu membra societatis, plus satis effera & pervicaci nonnullorum imperantium iracundia jactari tæpe semet & male haberí viderent; iterum alibi per eorundem segnitiem semet nullo non malo multari sentirent; mox aliorum infinito numero caluum & caussarum interventu, publicam rem nimium quantum affligi inteligerent, penitus & sine exceptione, jure suo in manus imperantis resignato: obviam in tempore malis suis ituri, ne in nervum erumperent, de norma, quam exigebat res publicæ conditio, convenire necessum existimarunt, ad quam, statui & conditioni convenienter, imperantes actiones suas dirigerent. Est harum, (puta conventionum) eadem, quæ oleæ terminalis, ratio, ut quamvis non extrinsecus semper & perfecte, intrin-

casu aut tempore è res publicâ si; nulla restrictione alia, quam quæ omnis imperii civitas esse solet, quæ publicam omnium tranquillitatem tenetur adserere. Convenit in eandem sententiam Grotius etiam, cum iunnum imperium non definere ait, licet us, qui imperaturus, est, DEO aliquid promittat, pariterque subditis suis.

11

intrinsecus & moraliter tamen conscientiam restrin-
gant, ne pro libitu extra olear vagari illa sibi permis-
sum putet. Neque est, qvod temere sibi persuadeat
qvisquam, restricta civili omnipotentia illa, inferiorem
mox fieri Principem, eundemque subjectionis quandam
speciem induere. Leges imperandi haec ipsae tantum abest splen-
dorem majestatis minuant, ut potius immenso angeant cumulo &
extendant, dum aequalitatis nova proportione constituta, im-
peranti summum in cives, antehac aequales, addicunt im-
perium, (*) Atque inde si leges halce observaverit,
id in primis præstat, ut veram semet esse reipublicæ
sua imaginem, palam doceat. Si vero non observet,
non ideo plus potestatis sibi arrogare posse sit cen-
sendus. quin, quantum a linea deflectere ausus fuerit,
tantum a debito, repræsentandi rem publicam, officio
suo semet recessisse palam facere, die nocteque cogi-
tare debet. Quid? qvod licet originem facto humano
debeant leges haec ipsæ, in quantum modum exercen-
dorum jurium majesticorum præscribant: ex iniquo
tamen nil trahere ipsas omnino est existimandum. Cer-
te potestatem istis alligatam statutis, nisi lineam transili-
uisse censeri velit, eadem nullo modo migrare posse, per
se patet; & si migraverit, migrandi caussas idoneas sem-
per in promptu habere oportet. Atque hinc in de-
cursu & temperamento regiminis isto, illud seu con-
sectarium nunquam non comitari videmus, ut qui
cum imperio sunt, ad pacta conventa observanda jure
jurando obstringi soleant. Immo de civibus constat et-

B 2

iam

[*] WILDES Hist. pragm. Svetb, cap. III. sect. I. §. 2.
commat. 24.

jam, qvod si qua parte imperantes ab officii religione declinaverint, violati pacti rationem exigendi jus sibi vindicare crebro soleant. id qvod civitatis non unius exemplo, si praesentis instituti esset, non difficulter probari posset. (c) Qvod verò usum harum legum concernit, est ille certe per orbis regna adeo freqvens, ut nullum fere imperium, saltem inter gentes Europæ politiores hodie sit, (d) qvod non suis certis finibus, interdum laxioribus, interdum quoque angustioribus, sit determinatum. Non negamus parilem non ubique indolem habere accessorias ejusmodi normas, neque

(c) In illam mentem **ENGELBERTI** gloriae & libertatis Svetlicæ pridem vindex regi **ERICO** Pomerano iuris dixit: *Parati sumus, o rex, pro te adversa omnia pati prius, quam praefitam tibi fidem violare, praesertim si Tuæ majestas suam fidem & jus jurandum nobis rursum inviolatum praestet. Alioquin nunquam tam imprudentes erimus, ut putemus juramenta inter te & nosmet invicem praestita, plus nostram fidem, quam Tuam obligare. Porro, cum ante aliquanto sacer Senatus urgeret jurisjurandi sacramentum, quod civium nulli infringere licet, ad reddendam facti sui rationem coram aequali iudicibus, semet offert. Et si illa neque placeret conditio, civitas suae, cui, quam regi plus deberet, vindicem, ejusque libertatis assertorem publicè se se profiteri certè non dubitaret.*
JOH. MAGN. H. Svec. Lib. XXII. Cap. 7. §. 9.

[d] Cum Conringio concedere in eandem sententiam pag. 28. vide auctorem limatissimi opusculi, qvod Riksdagömannia rått, inscribitur, & mense superiori Holmiae in lamen prodit.

neque in restringenda potestate eundem habere effectum. Verum quidquid sit illud, ex modo dictis & in posterum dicendis non obscure patet tamen, licet ex usu & constitutione civium, individua, quæ personalem majestatem gerunt, ipsa peræque non omnia sint obligata ad reddendam actorum suorum rationem, a licentia pro libitu grassandi nilominus majestatem imperandi eorum hac lege omnino retrahi coercentiæ. Hodie in Gallia, quamvis obtineat forma merè & verè monarchica, illam tamen ne infinitæ potentiaz esse quis existimet, duobus quasi frenis circumscribi noyimus: *Religione*, a qua CHRISTIANISSIMI reges appellantur, & denique *politia*, seu regni sanctionibus primigeniis, quas in agendo imperantes ipsis sibi constituere, ne quæ, suo sub exemplo, subditis perinde a pacto divaricandi se daret & offerret occasio. Quid multis? *Servitutem hominis moralem*, qua contra rationem, sensibus & imaginatione quis ad agendum determinatur, statum hominis infeliciissimum esse, qui veris pretiis rem estimant, omnes consentiunt. In regnis & rebus publicis, quisquis sibi imperium animo depinxerit legitima potestate nulla, sed saltē viribus & violentia fundatum, næ ille ad geminam servitutem, *civilem* perinde atque *moralem* viam præit, ex qua in justam libertatem ægre quis se deinde vindicare possit.

§. VII.

Propter finitas intellectus humani vires, nec non incidentium casum & actionum infinitam varietatem, quum leges fundamentales, conditio non possint adeo generales, ut ad quosvis casus applicabiles esse queant,

queant, introductus est quibusdam regnis mos, postulante id reipublicæ indole ipsa, ut conditiones certæ proponantur, quas præstandas recipit ad gubernacula reipublicæ adrovendus. A juris publici Doctoribus dicuntur hæ *capitulationes* (a) imperii. Continent ille leges absolutæ potestati contrarias, & ipso censente Cæsare JULIO, efficiunt, ut non minus in Cæsarem multitudo potestatis habeat, quam ipse in multitudinem [b]. Sunt non ignota nomina eorum, qui quum noverint in casu necessitatis, capitulatione non teneri Principem, inde instituta alia neque ordinarie eundem obligare censem, quo minus pro arbitrio iisdem stare, eademque aliis permittare pro lubitu possit, si illa magis salutem publicam promovere videbit. Scilicet per placet illis vulgaris tententia de origine majestatis a DEO proxima, [c] & hanc eandem non a SAULLIS regimine deducunt solum, sed etiam jus regium Samuelis, in horrorem duntaxat Iudaicæ propositorum, omnibus Principibus dictum esse volunt.

Qvod

(a) *Pacta & conventiones solennes à Danis præscriptae regibus suis, antegquam anno 1660 abolerentur, handfæsting appellabantur.* Holbergs biss. Dan. I. pag. 639. *Gothica lingua veteri handsaul (handsöhl;) dicebantur.* confer ss. Ol. Tryggonis bissor. cap. 12. p. m. 32. f. In Polonia solemnis pacti ejusmodi oblatio & acceptatio, pacti conventi formulæ Romanae linguae veteri, nuncupari suavit.

(b) Julius Cæsar de bello Gallico.

(c) Quam acerbè theologi in vicinia nonnulli, ex rationibus nescio quibus politicis, immediatam à DEO genesis

Qvod ad illud *jus verò*, sicut ex doctrina juris naturalis discimus officia non cogentis juris, per promissa fieri cogentis juris, seu qvod idem est, per ejusmodi promissa nosmet ipsos arctiores, arbitrio nostro, ponere limites, & saepe jus alteri concedere, vi adhibita extorqvendi illud, qvod interest, si spem alteri datam falso destituerimus: Ita qvid de imperiis limitatis inde concludi queat atque debeat, neque e longinqvo videri potest; nempe ex stipulatione illa novam imperanti eandemque magis exquisitam accedere obligationem officii præstandi, &, si administrationem primariorum majestatis jurium certo modo peragendam semel receperit, esse mox rationem rei gerendæ istam ex ordine modorum imperium personale penitus & omnino limitantium. Quantum & quousque obligent promissa multis inquirere & explanare supersedemus, qvum ad doctrinam juris naturalis

potestatis civitis, defenderint, vix cuiquam ignotum esse potest. Incunabula primum motae hujus hypotheses refere Hobbesius ad CAROLI magni imperatoris tempora, quem coronâ imperiali, in nomine DEI à Leone donatum ait. imò inde quoque formulam, quæ principes se DEI gratiâ regnare ajunt, arcessendam esse putat. Cum Hobbesio paria facit Aventinus in Bojorum annalibus suis, cum de sui aevi & sectæ clericis testatur, quod pro immediata majestate dignarint zelo non alio, quam ut fibi, gratia eadem DEI vicariis atque ministris, post DELLM & loco DEI, jus in principes secure magis vindicare possint; quamvis ad altum imperii nullum, flaminio & sanctimonia pontificis, quorum interest, indigeant.

ralis potius pertineat, quam ut nostri sit instituti idem
 pluribus exponere. Id saltem monemus, in publicis ne-
 gotiis pactisque, in honorem Regum plus privilegii,
 quam privatis hominibus non concessum esse, adeoque
 quum pactum bilaterale sit, continens conditionem,
 sub qua delatum Regi sit imperium, nisi consensu
 utrinque facto, neutram partem a formula fœderali
 resilire posse; id quod sub exemplo & effato Svecani
 herois evictum modo fuit. Quid multis? Ne ~~utriusque~~
~~usor~~ inutiliter satagere & de merè possibilibus saltem
 differere videamur, pro ostendendo actuali harum ca-
 pitulationum, in imperiis, influxu & virtute, adduxisse
 sufficiat exemplum Regum Persarum, qui quamvis
 sublimi adeo collocati essent loco, ut, quod de *TRA-*
JANO perhibet *Plinius*, omnia pariter & statim evade-
 rent, & quod magis est, Deorum instar a civibus suis
 colerentur, pactis conventis nihilominus adstrictum
 fuisse imperium eorum, legimus. Certe fidei migratae
 ultionem eosdem perpessos fuisse, & quidem, quum in
 viventes propter potentiam non liceret, in mortuos,
 denegata regia sepultura, jus suum exequutam fuisse
 civitatem, testantur *Plutarchus* & *Diodorus Siculus*. Quid
 adversus *NADIRUM* hodierni ævi *Principem* & *Sophum*
 cives regni illius nuperime sibi permiserint, quum in
 tyrannidem magis magisque vergere videretur, animus
 dicere refugit. Populum Judaicum, ne de *Sveo-Gothis*
 priscis quid dicam, ad multarum rerum observantiam
 Reges suos etiam obligasse, & si quæ essent, quorum
 nomine vivi non potuere accusari, post funera memo-
 riā eorum condemnasse, & extra locum sepulturæ
 Regum solemnem tumulari fecisse, ut futuri *judicij* me-
 tu,

tu, a fide mutanda retraherentur, sacræ pandectæ se-
mel iterumque testantur. 2. Chron. 24: 25. item 28:
27. Adeo libertatis & jurium suorum Zelotypi fuere
veteres. de qvibus tamen illud in fine nullo modo
dissimulandum, qvod in coarctando imperio, eo licen-
tiæ eives non raro progressi fuerint, ut ad ea Reges
suos obligare neque verecundati sint, qvæ præstitu non
difficilia solum, sed & plane impossibilia essent. Ejus-
que limitationis exempla in fastis plurima prostant,
non antiquissimorum temporum solum, sed & proxi-
morum, qvæ de civitatibus memorant, per pacta con-
venta sua Principes identidem obligantibus, ad ea-
dem, vi qvamvis injusta, restituenda reipublicæ, qvæ
justo titulo, eodemque plus satis oneroso sâpe, ad a-
lienigenam dominum multo ante transierint. (d)

C

§. VIII.

(d) Cetera inter speciosa, qvibus suam in Livoniam ir-
ruptionem paulo ante colorare aggressus est FREDER. AUGU-
STUS II. Poloniæ rex, refert etiam, quod vincito juramen-
ti obstrictus esset à civibus suis ad recuperandum provincias,
quæ contra leges ab imperio alienatae essent. Sed qvam
cautillationem pallorum irreligiosam, quo convenit sale per-
stringit illustr. HERMELINUS in vulgato typis manifesti e-
xamine; in convictionem perfidiae majorem, Philonem judea-
um testem arcessens, qui: Sciat, inquit, qvisqvis ob juramen-
tum injusti aliquid molitur agere, non se jurisjurandi
observantem esse, sed eversorem fore potius jurisjurandi.
Addit enim culpam culpæ, & quo abstinere satius
fuerat, actum illegitimum. Confer sis examinis illius p. 66-
77. sqq.

§. VIII.

EXinde, quod civitates vel civitatum rectores, ad qvarundam circumstantiarum observationem, circa actus publicos exercendos, a moribus aliorum diffentire non honestum existimavere, orta est lex, qvæ, in distinctionem juris gentium universalis & *absoluti*, Jus gentium *hypotheticum* vocatur, habens vim obligatoricem vel *expressam* a pacto expresso, vel *tacitam*, ex circumstantiis aliis atque aliis, præcipue vero consuetudine, diurno uero comprobata, derivandam. Sat multa sunt officia qvæ huic juri originem debent, qvæque, si singula ejus pervolvere voluerimus capita, haud parum restrictionis adferre imperiis, etiam reilibus, non è longinquo appareret. Dependet namque ex hoc jure certus, qui passim & ubique observari solet, belligandi modus. Est super r eodem fundata exceptio legatorum, sunt ceremoniae gentium generales, quorum spectat jus illud præcedentiae inter gentes & respublicas, quibus rite perpensis, hisce non iniurias, quam infinitis modis aliis imperia haud leviter temperari, manifestum evaderet. Belligandi modum absolvunt conventiones de non immitendo percussore, de non exurendis oppidis non munitis, ad solendum lytrum incendiarium sponte semet officiis, de non tingendis veneno telis. Ex hisce vero exemplis, qvæ plura cumulari possent, ad animum vocatis, liquet imperia gentium, jure hoc ipso restringi etiam, adeoque qvæ jure naturæ in profectum hostem licite quis intentare poterit, eadem, ne infinitum intendantur pericula belli, humanitas, jure, aliis super aliis casibus, limitari. Eadem ratio est legatorum, ceterim.

rimoniarumque circa illorum tractationem & dimissio-
nen observandarum, quum illis violatis vel neg'ectis,
in foro gladii caussam dicere saepe cogatur, quæ forte
rituum & numerorum illorum negligentior videri
poterit res publica; Ut taceamus jus praecedentia illud,
quod non ita multo ante diurna consuetudine sibi
pepererat imperium Romano-Germanicum, & quo
prætenso gnorismate æqualitatem illam naturalem, quæ
Principes & gentes invicem intercedit, Cæsares non
turbavere solum, sed & alias civitates ad agnoscen-
dum suum supereminens imperium aetere sensim &
detorquere voluerunt. Non quidem defuere inter re-
centiores Politicos alii atque alii, qui jus hypotheti-
cum hocce, puta *civite* plurium populorum, contextui,
gentium conjunctioniq; earum derogare sunt conati, non
alio fundamento, quam quod nulli horum iurium insit
obligandi vis aliqua; quum deficiat superior, qui con-
sensu suo has conventiones ratas habeat & temere
migratas vindicare queat. Verum hisce (quamvis non
semper ad mentem) responderi posse videtur, quod
haec consociatio gentium proxime coincidat cum sta-
tu regnum democratico, ubi tacito consensu, ut
plurimum consuetudini, cives se accommodant & subji-
ciunt, quam prodesse videtur; & qui imperantes sunt,
obsequi gloriam ad se pertinere, quamvis in diversa
relatione, non inviti agnoscant. Ne de eo quid di-
cam, quod non omnia jura vim suam superioritati
debeant. Alia enim ex libera inter æquales conven-
tione oriuntur. quorum leges fundamentales quis
non incommode referre potest, quas actuum contra-
riorum improbatione niti, & legibus propriis sic di-

Etis non minus validam obligationem fundere constat. Nempe sufficit ad convictionem de existentia modo dictæ legis, qvod constanti exercitio etiam apud ferociissimas gentes invaluerit, ita ut ad eandem subinde illæ quoque provocaverint, id qvod exemplis sat multis probat *Zentgravius*. Sufficit ad obligationem internam actionis omittendæ vel committendæ, æqvitas illius, ejus necessitas, & denique summi Numinis iustitia præcipue vindicativa, qvæ, qvominus receptâ inter liberas gentes coactione, pars læsa incedere possit ad ulciscendam & reparandam injuriam contra jus gentium perpetratam, in nullis legum tabulis vetat aut interdicit.

§. IX.

PRæter hunc, per jus nimirum gentium consociandi modum, adhuc arctiori vinculo jungi novimus civitates, dum vel æquilibrii cum reliquis civitatibus obtinendi, vel officiorum aliorum qvorumcumque præstandorum gratia, foedera inter ipsas panguntur; qvæ eo potissimum distingvuntur a jure gentium, qvod heic pauciores semper expressè, ibi vero plures plerumque tacite pacificantur. Hæc pacta novas iterum nobis in scenam producunt species imperiorum, facto humano limitatorum. Primo quidem intuitu videntur hæc nihil fere adferre limitationis, siqvidem involvunt reciprocam officiorum præstationem, qva tantum de jure alterius adqviritur, quantum decedit de nostro. Verum qvum haud raro contingat, ut inæqualia inter civitates foedera inenantur, inqve illis, qvæ viribus inferiores fuerint, pro compensatione iniquioris conditionis, superioris sui arbitri-

arbitrium seqvi sape venerarique necessum habeant, quid vetat genus hoc ipsum quoque inter ceteros limitandi imperii modos referre? Quid mirum, occultâ omni alia viâ ad amicitiam victoris, *inferiorem*, eum puta, qui deteriori loco constitutus fuerit, in restrictionem pristini juris & imperii sui consentire potius, quam metuendo, à compaciscente ipso, aut ab aliis, majori malo semet objicere? Insignia in hanc rem præbent exempla historiæ veterum Romanorum. Hi enim tempore illo, quo ad monarchiam universalem, orbis puta dominium, adspirabant, virtute & felicitate armotum suorum adeo reliquarum gentium animos ceperant, ut gloriæ & honori hæ sibi ducerent parere eorum legibus. Hinc alii fœdere illis jungi optabant; alii belli malo percussi in lucre ponebant, sub gravioribus licet conditionibus, gloriæ illorum magis quam iræ obseqvi. si qua in re offendere potuissent, in gratiam redire cum illis, quam arcta illorum experiri maluerunt. Hinc quibusdam fœdere interdictum erat jus belli fœderisque invicem ineundi, prout Ariobarzani & Pœnisi; quidam pro defendenda sede Romana exercitum in patria alere tenebantur, ut prisci Batavi; quibusdam gentibus ademtum erat jus creandi Reges, ut Parthis & Armenis; quædam imperia jure muniendi civitates erant privata, utpote Judæorum; Pluribus jus eundendæ monetæ ademtum erat, præsertim aureæ, nempe quod eminentis super cetera imperii privilegium solis sibi Romani arrogavere. Ista vero singula jura, quam sint majestica, eorumque liberum exercitum ad *τὸν κύρον* in republica vel præcipuum momen-

tum

tum adferat, palam est vi oppositorum, fœdra, qvi-
bus hæc vel alia jura majestatica denegantur, vel
saltem restringuntur, imperium efficere limitatum.

§ X.

Consideratis leviter præcipuis limitandi modis, qvi-
bus imperia, vel *personalia* per pacta inter Prin-
cipem & cives, vel *reatia*, conventionibus inter di-
versas civitates initis, temperantur; nostri jam officii
esse ducimus, nisu & opera eadem, exponere, qvibus
& qvam arctis cancellis ecclesiæ primicerii olim ma-
gis qvam hodie imperia circumscribere nulli dubita-
vere. Duæ sunt societates, si abstracte considerentur
a se invicem mutuo independentes, *Ecclesia* nimirum
& *Civitas*, qvarum hæc actionum externalium ad nu-
tum imperantis conformationem & bonum tempora-
le, illa actionum simul internarum ad certam nor-
mam directionem, respicit. Utriusque, qvum circa res
externas, admodum contracta & complicata sint nego-
tia, præterqvam qvod internarum actionum, in ex-
ternas, maximus sit influxus, non potest non subinde
officiorum juriumqve collisio existere qvædam, & per-
inde mutua qvædam limitatio oriri. Nempe qvum
iidem specie sint omnino cives ecclesiæ, qvi civi-
tatis, adeoque jura & officia utrinque ita temperata
esse oporteat, ut sine conqavillatione alterius, altera
qvoqve subsistere possit: hinc e longinquo neqve ap-
paret, imperanti non concessum esse impeditre exerci-
tium cultus externi, suopte nutu; neqve determinare
religionis capita, non jus simultaneum in ecclesiam
introducere, non potestatem docendi apostolis colla-
tam, imperio humano assertum ire, aliaqve, qvæ ad
esse

esse internum ecclesiæ faciunt, ad suum tribunal trahere (a). Contra verò, prout competit imperanti, ex fine societatis, potestas accurandi, ne qvæ sub specie religionis, doctrinæ insolentia aut morum intolerantia officiant reipublicæ: ius componendi lites, qvæ turbant aut saltem conturbare videntur civitatem, ad ipsum, non aliud pertinere, in proclivi est videre. Quousque verò circa ecclesiastica, potestas civilis sit limitata, ab exemplis allatis cuique in promptu erit vide. Consideratio certe religionis pontificiæ principiumque ejus dogmatum novos terminos nobis offert, qvibus finiuntur non pauca numero Europæ imperia. Etenim secundum eorum sententiam, ecclesia societas est, cui suprema qvælam potestas prælit, qvæ rerum temporalium & spiritualium habens manu sua dispenset, adeoque cujus imperio omnes Christiani, propter salutem ecclesiæ, oporteat sint obnoxii. Ex hac data ecclesiæ idea, ius omne sibi vindicat Papa circa sacra, tanquam caput repræsentativum totius ecclesiæ, adeoque etiam statuendi normam doctrinæ, cui credulitatem suam membra ecclesiæ alligent, actionesque tantum non omnes conformare debeat. Ut autem membra de typi assimilatione ejusque non vulgari majesta-

te

(a) In imperiis despoticis, qualia sunt Asiatica, quam Pontifex Romanus, eandem sibi principes reformandaæ religionis autoritatem passim arrogans; teste, in ceteris GUNDLINGIO, qui de imoerio non procul diffuso restatur, quod princeps inibi das überste haupt seiner Kirchen, befiehlet in dogmatibus addere & adimere nach seinem gesallen: er saget was gelehret, und was hingegen verschwiegen werden soll, &c.

te convicti magis sint, necesse est ut sibi persuasum habeant in illo vertice serena esse omnia, &, qui Vaticano præsidet, principem & sacerdotem summum falli omnino nescium esse; id quod, in illa civitate, credere è re communi tanto magis erit, quanto sine fundamento illo, omnis inibi communio dissolvetur. neque enim sine motivo, qui homines sumus, nedum sociorum aliquis ad consentiendum determinari potest. Ex hac autem auctoritate falli nescia, quantum in munere suo obeundo pendeat imperium civile, primum est concludere. Principes huic glebae & religioni adscripti, non possunt non regis mystici sui imperio parere; adeoque, si jubeat ut omnibus viribus certos in ecclesia receptos *NUMINIS* colendi modos expungant, suæque curiæ, puta Romanæ placita quaquam dilatent, idem, quam pro suis foci curare impensius, immo sub excommunicationis pœna, si sacræ monarchiæ indolem & finem spectes, efficere & exequi tenentur. quin, si brachii illorum tutelam pontifex ipse requirat, olim neque negare ausus fuisse, quis non norit? Verbo: Omnem civilem potestatem in illis terris ecclesiasticæ subjectam esse, nec collum jugo isti, sine renunciatione religionis, subducere posse, non e longinqvo appetet.

